

清·方略館 編

清代 方略 全書

北京圖書館出版社



清代方略全書

一五〇

清·方略館編

北京圖書館出版社

清·奕訢等撰

欽定剿平捻匪方略

卷九三——一〇四

清同治十一年（一八七二）鉛印本

欽定剿平捻匪方略卷九十三 辛酉年



二月初三日 辛酉 僧格林沁西凌阿國瑞奏言查

各營馬隊現有三千餘名 臣等選帶二千餘名

於正月二十七日行抵大義集途次接據探報

捻匪分三股先後闖入東境定陶曹縣荷澤等

縣地方往來無定 臣等詢之大義集及附近各

村團長則稱賊勢甚衆鄉團膽怯不能協助迎

勦卽各守村寨尙不知能否保全等語臣等查
係實在情形萬難勉強卽於二十七日仍回唐
家口激勵官兵防守河岸至馬步官兵潰敗之
餘喘息未定銳氣未復欲抵此十餘萬方張之
寇强弱懸殊難望得手惟有養精蓄銳裁汰疲
乏以圖再舉其陝甘官兵不堪驅策者二千餘
名擬卽遣撤回伍一面咨商袁甲三迅卽撥兵

會同田在田伊興額實力截擊以便牽制擒匪
後路俟牛頭河及運河防守布置嚴密後如有
可乘之機再行督兵勦辦奏入

上命軍機大臣傳諭僧格林沁西凌阿國瑞曰此股擒
匪兇悍異常各屬鄉團未能協助官兵但各守村寨
必須互相聯絡方能杜賊竄撲該大臣等仍當激勵
趙康侯等令其分飭鄉團遇賊卽擊毋令賊蹤北竄

現在裁汰陝甘官兵二千餘名兵力更單惟有將牛頭河及運河等處各要隘嚴密防守以固北路藩籬俟袁甲三會同田在田伊興額等分兵剿辦將擒匪後路牽制該大臣再當酌度機宜督兵策應此時宜仍遵前旨不可銳意輕進再蹈從前覆轍

初五日 癸亥 毛昶熙奏言署總兵成景等援解甯

陵城圍後卽馳赴睢杞一帶抄出賊前攔頭截

擊復飭各該州縣鄉團聯絡協助布置嚴整該
擒首偵知無隙可乘復退至甯陵迤北有沿隄
東竄之勢而前竄東境之趙浩然李加膺等股
擒衆正由曹考西趨蘭儀邊境意在勾連前股
西犯因被我軍隔截不能竄合且恐東省追兵
踵至前後夾攻遂潛繞夏邑東北一路晝夜狂
奔我軍分路跟追已向東南遁去詎白旗擒股

姜台凌王懷如等復由亳境老巢糾衆西擾竄
向柘城一路突撲縣城知縣謝國輔督率在城
文武調集民團復會同臣營委員郎中梁燦等
協力勦堵立解城圍而劉狗等捻時在沿邊一
帶往來游駛並聲言欲撲歸德郡城查捻匪因
蒙亳一帶米糧缺乏傾巢而出宜乘此四面截
擊痛加勦洗惟臣營馬隊太少現祇二百餘人

前與撫臣往返函商爲添調三省馬隊之請一面由臣設法勸辦於各團寨中派練馬勇惟輾轉需時緩不濟急因思德楞額伊興額曾在豫省勦賊威名素著熟悉地勢情形所部馬隊皆稱勁旅且現在駐紮地方去豫甚近仰懇

天恩飭令德楞額親督馬隊來豫會同勦辦抑或飭令伊興額統帶所部來豫會勦實於軍務有裨奏入

上
命軍機大臣傳諭僧格林沁西凌阿國瑞曰毛永熙
奏擒匪出巢四竄請會合鄰省馬隊痛加剿洗擒衆
傾巢出竄如能厚集兵力痛加剿洗較之圍攻擒圩
自易爲力惟現在賊匪擾及東境北路正當喫緊著
僧格林沁等斟酌情形如德楞額伊興額可以帶隊
前往卽赴豫省會同毛永熙之軍合力剿辦儻嶧縣
徐州一帶地方防剿緊要卽令該副都統等確探賊

蹤分投迎擊與豫省官軍互相援應亦不得株守一隅致誤事機

同日

上諭內閣曰前任甘肅西甯鎮總兵成明著馳驛赴安徽袁甲三軍營幫辦軍務

初六日甲子袁甲三奏言捻逆結夥北犯臣本擬

將皖事布置周妥卽抽帶精銳進駐徐州與僧

格林沁會合夾擊乃團練構釁壽城擅殺一案
臣添委臬司張學醇赴壽會同廬鳳道才宇和
查辦尙未接據稟報而苗沛霖又以缺糧爲詞
糾約宿州小黃旗等練赴東路泗靈打糧枝節
橫生遠近震駭當卽分別函札剴切勸諭飭令
撤回一面派撥兵勇飭委總兵張得勝等帶赴
固鎮相機遏截並飛囑總兵滕家勝由徐宿趕

赴泗靈聯絡民圩以資鎮攝如果卽日撤回尙
可設法駕馭儻竟不服彈壓不得不以兵力鉗
制又據蒙城官紳稟稱苗沛霖前調蒙練有圍
攻壽城之說該練董等激動公憤將其城內所
設公局辦事親信之人搜殺數名餘俱逐令出
城一切稟命於官不受苗練脅制人心奮發深
明大義與壽城之擅殺不同但恐民志未能堅

定該練或又乘機報復則軍務尙未定局兵勇
驟難分撥臣惟有體察練情相機酌辦儻稍有
定局卽當派撥勁旅速赴徐宿與田在田伊興
額等會合兜剿先以牽制捻逆後路一俟李續
宜到任會商布置臣卽統兵北去與僧格林沁
互相策應力埽捻氛以固北路藩籬

同日翁同書奏言竊臣欽奉

諭旨特召回京伏念臣從軍將及十年尙未得瞻仰

天顏臣父母年逾七旬亦久違定省茲得解職回京竊

符私願惟查苗營水陸隊伍直偪兩河口圖撲

參將鄭昌林營盤各鎮將紛紛稟請出隊臣以

苗練攻城此時意主撫綏不得不爲之隱諱儻

我軍出隊勢必爲所藉口因嚴禁出隊祇令水

師礮船巡守而兩河口一經紮營壽州卽不可

保臣一面督令登陴守禦一面飛咨袁甲三妥
籌兼顧袁甲三以臣爲穎壽人心所繫函囑少
留惟臣性情耿直於互爭一案未能調和久留
誠恐無益現在孫家泰業經叅革徐立壯亦已
遠移擬俟苗營宿忿稍平孤城可保卽遣人齎
送關防交新任撫臣李續宜接收臣卽日起程
回京儻攻城日急臣惟有始終守護以死殉之